

Arkiv: <arkivID><jplD> FA-X01, FE-072
JournalpostID:
Sakshandsamar:
Dato: 20.08.2021

Saksframlegg

Saksnr.	Uttal	Møtedato
034/21	Eldreråd	30.08.2021

Markering av den internasjonale eldredagen 2021

Rådmannen sitt framlegg til vedtak:

Saka vert lagt fram til drøfting og vedtak.

Eldreråd 30.08.2021:

Handsaming:

Det vart sett fram følgjande felles framlegg i møtet:

Eldrerådet ønskjer at eldredagen vert markert i ulike delar av Alver kommune, slik det har vore god tradisjon for i dei tre tidlegare kommunane. Utfrå tilbakemeldingane har dette opplegget fungert godt og opna for at mange eldre i heile kommunen har kunne vore med på dei ulike markeringane. Eldrerådet meiner at det ikkje er gjennomførleg med ei felles markering for heile kommunen - både av omsyn til lange avstandar og stort nok lokale, og det ville vore ekstra krevjande under koronapandemien.

Som ei felles markering for heile kommunen vil eldrerådet svært gjerne at ordføraren kjem med ei videohelsing på kommunen sine nettsider på eldredagen.

Eldrerådet er takksam for frivilligsentralen sin innsats knytt til markeringa av eldredagen. Rådet ber frivilligsentralane om å bidra til eit samla opplegg for tilskipingar i samband med markeringa i Alver kommune, og at dei søker om midlar til å dekkja noko av kostnadane med arrangementa. Rådet vil også be sentralane ordna med annonsering.

Eldrerådet vedtok samrøystes framlegg til vedtak sett fram i møtet.

ER- 034/21 Vedtak:

Eldrerådet ønskjer at eldredagen vert markert i ulike delar av Alver kommune, slik det har vore god tradisjon for i dei tre tidlegare kommunane. Utfrå tilbakemeldingane har dette opplegget fungert godt og opna for at mange eldre i heile kommunen har kunne vore med på dei ulike markeringane. Eldrerådet meiner at det ikkje er gjennomførleg med ei felles markering for heile kommunen - både av omsyn til lange avstandar og stort nok lokale, og det ville vore ekstra krevjande under koronapandemien.

Som ei felles markering for heile kommunen vil eldrerådet svært gjerne at ordføraren kjem med ei videohelsing på kommunen sine nettsider på eldredagen.

Eldrerådet er takksam for frivilligsentralen sin innsats knytt til markeringa av eldredagen. Rådet ber frivilligsentralane om å bidra til eit samla opplegg for tilskipingar i samband med markeringa i Alver kommune, og at dei søker om midlar til å dekkja noko av kostnadane med arrangementa. Rådet vil også be sentralane ordna med annonsering.

Politisk handsaming

Saka skal avgjerast i eldrerådet.

Saksopplysningar:

Frivilligsentralane i Alver tok i vår initiativet til ei drøfting med eldrerådet om markering av den internasjonale eldredagen 1. oktober. Leiarane i dei tre sentralane hadde dialog med eldrerådet i rådet sitt møte 7. juni.

Frivilligsentralane tilbød seg rett før sommarferien å senda ut ein førespørsel til lag og organisasjonar om mogleg medverknad under feiringa av dagen. Dette er no følgt opp med ein ny e-post til lag og organisasjonar, og invitasjonen blir også lagt ut på ymse lokale media og web-plattformer, og i kommunen sine informasjonssider i fulldistribusjon.

Det har vore lang tradisjon i dei tre kommunane med markering av eldredagen. Tilbakemeldingane frå dei involverte er tydeleg at dei ønskjer å halda fram med desse markeringane. Eldrerådet har tidlegare gitt uttrykk for at dei meiner lokale tilskipingar har fungert godt, og ønskjer å leggja til rette for slike markeringar også i denne omgang.

Det vert også lagt opp til ei drøfting i eldrerådet om rådet og kommunen si rolle i markeringa av den internasjonale eldredagen. I det første året som ny kommune vart feiringa noko prega av restriksjonar på grunn av koronapandemien. Det gjorde det uaktuelt med ei samla markering for heile kommunen. Også på grunn av lange avstandar har eldrerådet vurdert det som litt gjennomførleg med ei felles kommunal markering for heile Alver kommune.

I fjor vart det på eldredagen lagt ut ein video på kommunen sine nettsider og facebook, der ordførar Sara Sekkingstad og eldreråds-leiar Olav M. Steinsland kom med sine helsingar.

Saka vert lagt fram til drøfting og vedtak i eldrerådet.